

**Inatsisissatut siunnersuummut nassuaatit****Nassuaatit nalinginnaasut****1. Aallarniut****1.1 Tunngaviusoq**

Ilaqtariinnermut, Naligiissitaanermut Isumaginninnermullu Naalakkersuisoqarfiup kommunit isumaginninnikkut inatsisinik toqqammaveqarlutik ingerlatsinerannik nakkutilliisuufigivai, nakkutilliinerminnullu tunngatillugu maluginiarismallugu annertuumik ernumanarluinnartumillu suliassat isumaginiarneqarneranni tulleriaarneqarnerannilu, taamatullu meeqlanik inuusuttuaqqanillu ajornartorsiuteqartunik nalunaartussaatitaanermut ikorsienissamallu iliuusissat sumiginnarneqartarsimasut.

Meeqlanut Illersuisup 2015-imi angalasimanerminit nalunaarusiornermini meeqlat inuusuttuaqqallu atugarisaat takusimasani toqqammavigalugit nalunaarusiornermini ernumanarluinnartutut naliliiffigisimavaa, soorlu nalunaaruteqartarsimannginnerit ikorsienissamallu iliuuseqartarsimannginnerit tikkuarsimallugit. Meeqlanut Illersuisup sulinermini toqqammavigisussaavai meeqlat illersuisoqarnerat meeqlanillu siunnersuisoqarneq pillugu Inatsisartut inatsisaat nr. 11, 22. november 2011

Nalunaarsugassatut ikorsiiisarnernilu suliassat isumagineqartarneranni tulleriaarneqartarnerinilu periuserineqartut kommuni ataaseq eqqarsaatigalugu manna tikillugu qulaajaasoqareersimalerpoq. Ilaqtariinnermut, Naligiissitaanermut Isumaginninnermullu Naalakkersuisoqarfiup tunngavissaqarpoq ilimagissallugu, aamma kommunini allani meeqlat inuusuttuaqqallu atugarliuiteqartut pillugit nalunaarsugassat ikorsiiissutigineqartussallu qarsupittumik suliarineqartarsimasinnaanissaat pillugu.

Naliliivigneqarsimavoq Naalakkersuisut kommunit isumaginninnikkut ingerlatsiveqarfiinik ikorsiiisariaqartassasut, tamatumani paasineqarpat kommunip innuttaasut inatsisit toqqammavigalugit pisinnaatitaaffiinik qarsupittumik amigartumilluunniit periuseqarsimassappat. Siunnersuut manna toqqammavigalugu Naalakkersuisut pisinnaatitaapput, ilaannakortumik tamakkiisumilluunniit kommunip isumaginninnikkut maleruagassat toqqammavigalugu ingerlatsineranik arsaarinnikkallarnissaanut. Siunnersuummi matumani pineqarput isumaginninnikkut maleduaqqusat suugaluartulluunniit, tamatumani aamma ilanngullugu meeqlat inuusuttuaqqallu ikorserneqartarnerat pillugu Inatsisartut peqqussutaat.

**1.2 Ingerlatsivimmi aqutsineq**

Isumaginninnermut maleruagassat kommunip ingerlatsiviani aqunneqarnerisa nukittorsarnissaanut aammalu innuttaasut pisinnaatitaaffiisa qularnaarnissaannut suliniutinik siunnersuutinillu saqqummiusseqqullugit, Inatsisartut Ilaqtariinnermut Peqqissutsimullu Ataatsimiititaliaata kingullermik UKA 2015-imni Naalakkersuisut kaammattorpai.

Isumaginnittoqarfíup aqunneqarneranik aaqqissuussaaneranillu allannguuteqartitsinissaq pillugu Inatsisartut inatsisisaattut siunnersuummi matumani, isumaginninnermut maleruagassat ingerlatsivimmi aqunneqarnerisa annertunerusumik aallunneqalernissaanut ilassuteqarnissaq siunertaavoq.

### 1.3 Aalajangiisinnaatitaaneq

Siunnersuummi isumaginninnermut suliassaqarfímmi suliassat, akisussaaffiup aalajangiisinnaatitaaffiillu tunngaviatigut allannguuteqartinneqannginnissaa aallaavigineqarpoq. Kommunit ataasiakkaat inatsisit attuuttut naapertorlugit iumaginninnermi maleruagassanik ataasiakkaanik ingerlatsivimmi aqtsinissamut akisussaasuunerat ingerlaannassaaq.

Naalakkersuisut maannamut pisartutut kommunip iumaginninnermut suliassaqarfímmi suliassanik, akisussaaffimmik aalajangiisinnaatitaanermillu iumaginninnerannut nakkutilliisuussapput. Naalakkersuisut maannamut pisartutut kommunimut siunnersuinermik, ikiunnermik pikkorissaanernillu suliaqarnernik ikuutissapput. 2016-imut aningaasanut inatsimmi iumaginninnermut suliassaqarfímmi pikkorissaanernut aamma ilinniaqqitsitsinermut kr. 12 mio. immikkoortinneqarput.

Naalakkersuisut Qitiusumik Siunnersuisarfímmik pilersitsereerput. Qitiusumik Siunnersuisarfímmut siunertaavoq meeqlanut inuuusuttunullu ajornartorsiortunut sullissinerup nukittorsarneqarnissa. Qitiusumik Siunnersuisarfík kommuninut siunnersuisarpoq ilitsersuisarlunilu. Siunnersuineq ilitsersuinerlu oqarasuaatikkut siunnersuinertut aammalu allakkat tunngavigalugit pisinnaavoq. Qitiusumik Siunnersuisarfík aamma angalasartunik sumiiffinni toqqartukkani ingerlatsivimmi siunnersuisinnaasunik ilitsersuisinnaasunillu sulisussaqassaaq. 2016-imut aningaasanut inatsimmi Qitiusumik Siunnersuisarfímmut kr. 19 mio. immikkoortinneqarput.

Naalakkersuisut aamma kommunit ataasiakkaat akornanni annertuumik suleqatigiinneq suli ingerlasussaavoq aammalu iumaginninnermut suliassaqarfímmi suliniarnerup nukittorsarneqarnissa pitsanggorsarneqarnissaalu ersarissumik siunertarineqarluni, minnerunngitsumillu meeqlanut inuuusuttunullu ajornartorsiortunut suliassaqarfímmi.

Inatsisartut inatsisisaatuut siunnersuut manna Naalakkersuisut aamma kommunit akornanni suleqatigiinnermut aammalu Naalakkersuisut iumaginninnermut suliassaqarfímmi inatsisitigut aalajangersagaasumik nakkutilliinerinut tapertaasussatut eqqarsaatigineqarpoq.

Siunnersuut illoqarfimmi imaluunniit nunaqarfimmi aalajangersimasumi meeqqanut inuusuttunullu ikorsiinissaq pillugu suliat ingerlasut naamassineqanngitsullu ingerlatsivimmi suliarineqarnerinik arsaarinnissuteqarnermut pingartumik atuutissaaq.

Erseqqissarneqassaaq atorunnaarsitsinissaq pillugu aalajangiineq, kommunip isumaginninnermut maleruagassat ataatsimoortut malillugit aalajangiisinnaatitaaffiata tamakkiisumik Naalakkersuisunit isumagineqalerneranik, suliaqarnikkut kinguneqartussaanngimmat.

Suliaqarnermi suliassaqarfinni killissalersugaasuni aalajangersimasunilu aalajangiisinnaatitaaffiup atorunnaarsinneqarnissaa pillugu aalajangiisoqarsinnaassaaq, taamaalillutillu Naalakkersuisut aalajangiisinnaatitaaffik isumagisussangussallugu. Kisiannili suliassaqarfiit tamarmiusut imaluunniit kommunimut tamarmiusumut atorunnaarsitsinissamut siunnersuut atorneqassasoq eqqarsaatigineqanngilaq.

Atorunnaarsitsinissaq pillugu aalajangiineq, assersuutigalugu suliassanik ataasiakkaanik aalajangersimasunik suliariinninnissamut aalajangiisinnamullu malittarisassanik saneqqunneqarsinnaanngitsunik ataatsimut isigalugu pisussaaffiliinermut imaluunniit suliassaqarfinni pingarnersiuinissamik peqqusinermut tunngassuteqarsinnaavoq. Peqqusineq taamaattoq assersuutigalugu Naalakkersuisut inatsisini aalajangersagaasumi nakkutilliinerannut nangissutigalugu nalunaarutigineqarsinnaavoq.

Naalakkersuisut inatsisini aalajangersagaasumik nakkutilliineranni, kommunimi ataatsimi meeqqanut inuusuttunullu ajornartorsiortunut tunngatillugu nalunaarutiginninnerit ikorsiisarnerillu pillugit sulianik suliariinninnermi pingarnersiuinermilu ilungersunartumik iliuuseqarsimannginnej maannamuugallartoq qulaajaavigineqarpoq.

Naalakkersuisut paasinninnerat malillugu kommunip pisussaaffii imaluunniit innuttaasut pisinnaatitaaffii annertuumik sumiginnarneqartut paasineqarpat, pisuni ataasiakkaani piaartumik iliuuseqarsinnaanissamut inatsisitigut tunngavissanik pisariaqartunik pilersitsisoqartariaqarpoq.

Siunnersummi matumani taamaallaat siunertaavoq innuttaasut inatsisitigut pisinnaatitaaffiisa qularnaarneqarnissai, ilanngullugulu pingartumik meeqqat inuusuttullu ajornartorsiortut illersorneqarnissaat. Isumaginninnermut suliassaqarfimmi suliassat, akisussaaffiup aalajangiisinnaatitaaffiullu tunngaviusumik agguarneqarnerisa allanngortinneqarnissaa siunnersummi matumani siunertaanngila.

Kommunit ataasiakkaat isumaginninnermut maleruagassat malillugit suliariinninnissamik pingarnersiuinissamillu qulakkeerisariaqartut qulakkeernissamullu akisussaasuusariaqartut Naalakkersuisut suli isumaqarput, tassanilu ilaavoq minnerunngitsumik meeqqat inuusuttullu ajornartorsiortut illersorneqarnissaat. Namminersorlutik Oqartussat kommunit

isumaginninnermut maleruagassat malillugit isumaginninnissaannut, ataatsimoortumik tapiissutit aqqutigalugit aammalu utertillugit akiliisarnernut aaqqissuussinerit atorlugit, tapiissuteqartarput.

#### 1.4 Pineqaatissiarneq

Siunnersummi matumani kommunit aqunneqarnerat pillugu Inatsisartut inatsisaanni nr. 22, 18. november 2010-imeersumi pineqaatissiarnermut periarfissat allanngortinneqanngillat. Kommunalbestyrelsi inatsisit malillugit suliarinninnissamik pisussaaffigisaminik iliuuseqanngippat, Kommunit Nakkutilliisuisa kommunalbestyrelsimi ilaasortat iliuuseqannginnermut akisussaasusut, pinngitsaaliisummik akileeqqusissuteqarluni pisussaaffilersinnaavai.

Kommunit Nakkutilliisoqarfiat isumaginninnermut suliassaqarfimmi kommunip iliuuseqartussaatitaanera pinngitsaaliisummik akileeqqusissuteqarluni pinngitsaaliisummik piviusunngortinnissaanik aalajangeequllugu Ilaqtariinnermut, Naligiissitaanermut Isumaginninnermullu Naalakkersuisoqarfip piumaffigisinjaassavaa.

Kisiannili oqaatigineqareersutut, assersuutigalugu meeqqanut inuusuttunullu ajornartorsiortunut tunngatillugu piaartumik suliarinninnissamut aamma suliassani aalajangiinissamut aammalu periaatsit suleriaatsillu pioreersut meeqqanut inuusuttunullu ajornartorsiortunut naammattumik illersuisinjaatinnagit, pisuni sulianilu ataasiakkaani aalajangersimasuni piaartumik suliarinninnissamut aalajangiinissamullu pisariaqartitsisoqarsinjaasoq Naalakkersuisut naliliippu.

#### 1.5 Naammagittaalliortarneq

Inatsisissatut siunnersummi matumani innuttaasut Isumaginninnermi Naammagittaalliuuteqartarfimmur naammagittaalliuuteqarsinjaatitaanerann allannguiteqartitsinernik malitseqassanngilaq. Aalajangiinerit isumaginninnermut maleruagassat malillugit Isumaginninnermi Naammagittaalliuuteqartarfimmur naammagittaalliuutigineqarsinjaasut, aalajangiineq Ilaqtariinnermut, Naligiissitaanermut Isumaginninnermullu Naalakkersuisoqarfimmit aalajangiunneqaraluartoq, allannguiteqanngitsumik Isumaginninnermi Naammagittaalliuuteqartarfimmur naammagittaalliuutigineqarsinjaapput.

### 2. Siunnersuteqarnermi qulequttat

Maannakkut pisinjaatitaaffiit

Isumaginnitoqarnerup aqunneqarnera aaqqissuussaaneralu pillugu Inatsisartut peqqussutaat nr. 11, 12. november 2001 naapertorlugu Naalakkersuisut periarfissaqartinnejanngillat kommunip isumaginninnikkut ingerlatsineranik tamakkiisumik ilaannakortumilluunniit arsaarinnissuteqarfiginissaanut.

Siunnersuut

Kommunip ingerlatsinikkut innuttaasulluunniit pisinnaatitaaffii eqqarsaatigalugit pisussaaffigisani annertuumik sumiginnarsimassappagit, taava Naalakkersuisut aalajangiisinhaapput kommunip isumaginninnikkut ingerlatsineranik arsaarinniffigisinhaassallugu.

Atorunnaarsitsinermik aalajangiineq piffissamut siumut aalajangeriikkamut atuuttussannngortinnejarsinnaallunilu pisariaqartinneqarpallu atuukkallartussatut aaqqiivigineqarsinnaalluni. Suliat atasiakkaat nalilersorneqassapput piffissaq qanoq sivisutigisoq pisariaqartinneqarnersoq.

Kommunip ingerlatsineranik atuukkunnaartitsigallarneq isumaginninnikkut inatsimmut ataatsimut arlalinnulluunniit imaluunniit taakkua immikkoortuinut sammitinneqarsinnaavoq. Atorunnaarsitsinerit makkununnga tunngasuusinnaallutik:

- 1) Naalakkersuisut isumaginninnerup inatsisit pineqartut iluanni ilaannilluunniit maleruagassanik sanioqqunneqaqqusaanngitsunik aalajangersaasinhaapput, tamatumani ilanngullugit suliassat aalajangersimasut aalajangiisinhaanermullu tunngasut arsaarinnissutigisinhaallugit.
- 2) Naalakkersuisut isumaginninnikkut maleruagassat taakkuluunniit ilaasa suliassartaat aalajangersimasut aallartillugillu ingerlatilersinnaavaat.
- 3) Kommunalbestyrelsip isumaginninnerup oqartussaaffianik taassumaluunniit ilaannik tigusigallarnissaa aalajangiunneqarsinnaavoq.

Kommunip isumaginninnerut tunngatillugu aningaasartutigisassani isumagiinnartartussaassavai. Tamatumali saniatigut Naalakkersuisut § 7a naapertorlugu Naalakkersuisut akisussaaffimmik tigusigallarneranni aningaasartuutit kommunip isumagisassallugit. Naalakkersuisut ingerlatsigallarnermik isumaginninnissaa aalajangiunneqarsimappat, tamatumani apeqqutaassanngilaq ilumut kommunip aningaasaliissutissamini pineqartut immikkut aningaasaliissuteqarfigereersimanerai. Tamatumali nassatarisaannik communalbestyrelsip pisussaaffigissavaa aningaasartutigineqartut matussusiivigineqarnissaat isumagissallugit.

Akisussaaffimmik arsaarinnikkallarnermi Naalakkersuisut pisinnaatitaassapput kommunip ingerlatsiviinut allaffiinullu sunulluunniit iserlutillu misissuisinnaanissamut. Taamatut aamma Naalakkersuisut pisinnaatitaapput qarasaasiakkut ingerlatsiffinnut taakkulu imarisaannut paasissutissanullu tigussaasunik misissuisinnaanissaminut.

Akisussaaffimmik tigusigallarneq Isumaginninnikkut Naammagittaalliuteqartarfimmuit imaluunniit ingerlatsinikkut oqartussaasunut allanut naammagittaalliutigineqarsinnaanngilaq. Oqartussaaffimmik atorunnaarsitsinissaq akisussaasutut Naalakkersuisumit aalajangiiffigineqarsimappat, tamanna Naalakkersuisunut suliassanngortinnejarsinnaanngilaq.

Isumaginninnermi Naammagittaalliuuteqartarfik naammagittaalliuutit ataasiakkaat aalajangersimasut suliarineqartarnissaat aalajangiiffigineqartarnissaallu siunertaralugu pilersinneqarpoq, katiterneqarluni allattoqarfimmillu sullinneqarluni. Naliliisoqarpoq Isumaginninnermi Naammagittaalliuuteqartarfik isumaginninnermut maleruagassanik ataatsimoortunik kommunip ingerlatsivimmi aqtsineranik atorunnaarsitsinissaq pillugu aalajangiinermut misileeqqiffissatut naleqqutinngitsoq.

Kommunip isumaginninnermut maleruagassanik ataatsimoortunik ingerlatsivimmi aqtsineranik atorunnaarsitsinissaq pillugu Naalakkersuisut aalajangiinerannut immikkut naammagittaalliorfimmik pilersitsinissaq tunngavissaqartutut isigineqanngilaq.

Taamaaliornikkut pingaartinneqarpoq atorunnaarsitsinissaq pillugu aalajangiisoqassappat, tamanna ilaatisinnginnertut iluseqassasoq. Kommunip isumaginninnermut maleruagassanik ataatsimoortunik ingerlatsivimmi aqtsinerannik atorunnaarsitsinermut immikkut oqartussaasumik, ilisimasanik imaluunniit suleriaatsimik inerisaanissaq tunngavissaqanngilaq imaluunniit pisariaqartinneqarani.

Aammattaaq pingaartinneqarpoq atorunnaarsitsinissaq pillugu aalajangiineq, kommunip pisussaaffiinik imaluunniit innuttaasut pisinnaatitaaffiinik annertuumik sumiginnaanissap pitsaaliortinnissaanut kingullertut iliusissanut ilaasoq. Atorunnaarsitsinissaq pillugu aalajangiineq kommunip kalluarneqartussap sioqqutsisumik oqaloqatigineqaqqaarneratigut aammalu kommunip pisussaaffii imaluunniit innuttaasut pisinnaatitaaffii annertuumik sumiginnarneqartut uppernarsaatit tunngavigalugit, aalajangiiffigineqassasoq.

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertalerneqarnera atuuttoq</i>	<i>Inatsisissatut siunnersuut</i>
	<p><b>§ 1</b>            Inatsisartut isumaginnittoqarfiup aqunneqarneranut aaqqissuussaaneranullu peqqussutaani nr. 11, 12. november 2001-imeersumi makkunuuna allannguuteqartitsisoqassaaq:</p>
<p><b>§ 7.</b> Kommunalbestyrelsi kommunip isumaginninnikkut sanaartugassaasa piorsarneqarnerinik pilersaarutinut siunnersuusiorlassaaq Naalakkersuisunullu nassiuttassallugit. Tamatuma kingorna Naalakkersuisut</p> <ol style="list-style-type: none"> <li>1) kommunit siunnersuutaat tulleriaarlugit ataqatigiissaarlugillu pingaarnersiussavaat,</li> <li>2) kommunit isumaginninnikkut sullissinissamik aqqutissiuisussaanerat</li> </ol>	

<p>naammassineqarsimanersoq nakkutigissavaat, aamma 3) inuiaqatigiit eqqarsaatigalugit nukissanik naammaginartumik atuisoqarnersoq nakkutigissavaat.</p> <p><i>Imm. 2.</i> Naalakkersuisut piorsaanissamik pilersaarutinut siunnersuusiornermi periusaasartut, ta makkua annertussusiat, aammalu pilersaarutinut piffissatut killiliussat pillugit erseqqinnerusunik malittarisassiussapput.</p>	
	<p><b>1.</b> § 7-ip kinguninnguatigut qulequttamik nutaamik ikkussisoqassaaq: <i>"Komunip isumaginninnikkut maleruagassat toqqammavigalugit ingerlatsineranik atorunnaarsitsineq"</i></p>
	<p><b>2.</b> Qulequttap kinguninngua imatut ikkussisoqassaaq:</p> <p>” <b>§ 7a.</b> Naalakkersuisut kommunit isumaginninnikkut maleruaqqusat toqqammavigalugit ingerlatsinerannik atorunnaarsitsissallutik aalajangiisinjaapput, tamatumani kommuni pineqartoq pisussaaffimmink imaluunniit innuttaasut pisisinnaatitaaffiinik annertuumik sumiginnaasimappat.</p> <p><i>Imm. 2.</i> Atorunnaarsitsinissaq pillugu aalajangerneq piffissamut siumut aalajangeriikkamut imaluunniit killiliinngikkaluarluni atuuttussatut aalajangerneqarsinjaavoq.</p> <p><i>Imm. 3.</i> Atorunnaarsitsinissamut aalajangernermi isumaginninnermut maleruagassat tamakkerlugit imaluunniit ilaannai pillugit tamatumani isumaginninnikkut maleruagassanut aalajangersimasunut tunngatinneqarsinjaapput.</p> <p><b>§ 7b.</b> § 7a malillugu atorunnaarsitsinissaq pillugu aalajangernermi, Naalakkersuisut</p>

isumaginninnermi maleruagassat  
ataatsimoortut killissaliussaasa iluanni  
kommunalbestyrelsi  
saneqqunneqarsinnaanngitsunik  
pisussaaffilersinnaavaat isumaginninnikkut  
maleruagassat aalajangersimasumik  
periuseqarluni ingerlatsivigineqarnissaanut  
aammalu suliassat aalajangiisarnerillu  
assigiinngitsut qanoq  
isumagineqartarnissaanik aalajangersaanikkut.

*Imm. 2.* § 7a malillugu atorunnaarsitsinissaq  
pillugu aalajangernermi, kommunalbestyrelsip  
isumaginninnikkut oqartussaaffii tamakkiisut  
ilaannakortulluunniit Naalakkersuisunit  
isumagisassanngortinnejarsinnaapput.  
Tamatuma saniatigut Naalakkersuisut  
isumaginninnikkut maleruagassat  
naapertorlugit suliassat tigullugillu  
aallartissinnaallugit.

*Imm. 3.* Kommunip isumaginninnermut  
maleruagassanik ataatsimoortunik  
ingerlatsivimmi aqutsineranik  
atorunnaarsitsinissaq pillugu aalajangiineq  
tunngavigalugu Naalakkersuisut  
isumaginninnermut maleruagassat  
ataatsimoortut naapertorlugit aalajangernerri,  
Isumaginninnermi  
Naammagittaalliuuteqartarfimmuit  
naammagittaalliuutigineqarsinnaapput.  
Naammagittaalliorneq, aalajangiineq  
kommunimit aalajangiunneqarsimappat  
maleruagassat atorneqarsimasussaagaluit  
malillugit, pissaaq.

**§ 7c.** § 7a malillugu atorunnaarsitsinissaq  
pillugu aalajangernerup malitsigisaanik  
iliuutsit aammalu isumaginninnikkut  
maleruaqqusat toqqammavigalugit  
Naalakkersuisunit peqqussutigineqartut  
imaluunniit suliani aalajangersimasuni  
Naalakkersuisut aalajangiineri, sioqqutsisumik  
kommunimit

aninaasaliisoqarsimanngikkaluarpalluunniit  
piviusunngortinniarneqarsinnaapput.  
Tamatumani kommunalbestyrelsi naak  
tunngavilersuiffigineqanngikkaluarluniluunniit  
pisussaaffilerneqarsinnaavoq aningaasanik  
atugassanik pissarsiorniarnissamut.  
Taamatullu pisoqartillugu Inatsisartut  
kommunit aqunneqarnerannut inatsisaani  
allaqqasut toqqammavigineqassapput.

**§ 7d.** Naalakkersuisut § 7a malillugu  
atorunnaarsitsinissaq pillugu aalajangernerup  
malitsigisaanik ingerlatsinermut  
aninaasartuuteqarneranut  
kommunalbestyrelsi matussusiisassaaq.

*Imm. 2.* Kommunalbestyrelsip pineqartumi  
sulisooreersut allaffeqarfisiaallu  
Naalakkersuisunut atugassiissutigissavai.  
Sulisut tamatumanilu ilanngullugit kommunini  
atorfilittut inisisimasut Naalakkersuisut  
najoqqutassiarisaat toqqammavigalugit  
atorunnaarsitsinermi pineqartut iluanni  
suliassaminnik isumaginnittussaatitaapput.

**§ 7e.** Kommunalbestyrelsi pisussaavoq  
sulianut tunngatillugu paasissutissat  
suugaluartut il.il. Naalakkersuisunit  
piumasarineqartut ingerlateqqittassallugit.  
Naalakkersuisut kommunalbestyrelsimit  
piumaffigineqarsinnaavoq allakkatigut  
nalunaarsueqqullugu.

*Imm. 2.* Imm. 1-imí taaneqartut  
toqqammavigalugit kommunip ingerlateqqitai,  
Naalakkersuisunit susassaqanngitsunut  
ingerlateqqinneqarsinnaanngillat.

**§ 7f.** Naalakkersuisut pisinnaatitaapput  
kommunimi sulianik ingerlatsiviusunut  
sumiikkaluartunut tamanut  
isersinnaatitaanissaminnut.

*Imm. 2.* Naalakkersuisut pisinnaatitaapput  
kommunip qarasaasiatigut sullissisarnerni

	<p>atortorissaarutaannut aammalu taakkua imarisaannut suliallu uppermarsaataannut misissuisinnaatitaanissamut.</p> <p><i>Imm. 3. Kommunip qarasaasiatigut sullisisarnerni atortorissaarutaannut Naalakkersuisut isersinnaatitaanissaminni kommunip pisinnaatitaaffii naapertorlugit isersinnaatitaassapput.</i></p> <p><b>§ 7g.</b> Naalakkersuisut atorunnaarsitsinissaq pillugu aalajangererat Isumaginninnermut Naammagittaalliuuteqartarfimmut allatigulluunniit ingerlatsinikkut oqartussaaffimmut ingerlateqqinnejarsinnaanngilaq.”</p>
	<p><b>§ 2</b> Inatsisartut inatsisaat ulloq 1. juuli 2016-imiit atuutilersinneqarpoq.</p>

### **3. Aningaasatigut ingerlatsinikkullu pisortanut kingunerisassai**

Siunnersuutip kingunerisaanik isumaginninnerup iluani marloqiusatut taaneqarsinnaasumik ingerlatsisoqalertarsinnaassaaq. Naak kommunip isumaginninnikkut ingerlatsinermi atorunnaarsitsinissaq aalajangiunneqaraluartoq, taava kommunip isumaginninnikkut ingerlatsinini aamma isumagiinnartussaassavaa, tamannali Naalakkersuisut immikkut ingerlatsinerat ilutigalugu pisussaassalluni.

*Aningaasartuutit isumaginninnermut maleruagassat ataatsimoortut ingerlatsivimmiaqunneqarnissaanut kommunip akisussaaffigisaanut tunngasut kommunip allannguuteqanngitsumik akilertassavai. Isumaginninnermut maleruagassani ataatsimoortuni ataasiakkaanut tunngatillugu utertitsilluni akiliisarnermut aaqqissuussineq taamaaqataanik atuutissaaq. Naalakkersuisut kommunit sinnerlugit aningaasartuuteqartussaassanngillat imaluunniit aningaasartuutinik akiliigallartussaassanatik.*

Kommunip arsaarinninnermut aalajangiineq toqqammavigalugu Naalakkersuisut immikkut aningaasartuutaannik matussusiisartussaassaaq.

*Naalakkersuisut suliassanik atorunnaarsitsinissaq pillugu aalajangiinermi pineqartunut ilaasunik isumaginninnerannut aningaasartuutit AI 2016-imi, konto pinguarneq 30.01.01 Ilaqutariinnermut, Naligiissitaanermut Isumaginninnermullu Naalakkersuisoqarfik, aaqtigalugu akilerneqassapput. Aningaasaliissutit isumaginnitoqarfip aqunneqarnera aaqqissuussaaneralu pillugit Inatsisartut peqqussutaat naapertorlugu aningaasartuutinut*

*tungassuteqarput. Naalakkersuisut aningaasartuutaat tamatuma kingorna kommunimit pineqartumit akilersinneqassapput. Akileeqqusineq assersuutigalugu Namminersorlutik Oqartussanit tunniunneqartussani ilanngaatiginninnikkut pisinnaavoq. Tamanna tungavigalugu naliliisoqarpoq atorunnaarsitisinissaq pillugu aalajangiisoqassappat, tamanna kontomi pingaarnermi 30.01.01 Ilaqutariinnermut, Naligiissitaanermut Isumaginninnermullu Naalakkersuisoqarfik, annertunerusunik aningaasaliissuteqarnissamik pisariaqartitsineq pilissanngitsoq.*

Siumut oqaatigiuminaappoq kommunip oqartussaaffianik arsaarinnikkallarnerup kingunerisaannik qanoq immikkut aningaasartuuteqarfiusinnaassaneroq. Tamannami pisut toqqammavigalugit immikkut pissuseqartuusassaaq aammalu kommunip qanoq annertutigisumik sumiginnaasimaneranik qanorlu tulleriaarinnilluni qaqlersuisoqarlunilu isumaginnitoqarnissaa apequtaasarumaarluni.

#### **4. Inuussutissarsiutitigut ingerlatsinermut aningaasatigut ingerlatsinikkullu kingunerisassai**

Siunnersuut inuussutissarsiuteqartunut aningaasatigut ingerlatsinikkullu sunniuteqassanngilaq.

#### **5. Avatangiisinut, pinngortitamut inuit peqqissuunissaannut sunniutaasinnaasut**

Siunnersuut inuit peqqissuunissaat eqqarsaatigalugu avatangiisinut pinngortitamullu immikkut sunniuteqarnissaa ilimagineqanngilaq.

#### **6. Innuttaasunut kingunerisassai**

Siunnersuut innuttaasunut toqqaannartumik sunniuteqarnavianngilaq. Siunnersuuteqarnikkut qulakteerniarneqassaaq eqqortumik sullissisoqarnissaa aammalu isumaginninnikkut suliassat pingartillugit suliarineqartarnissaat.

Naatsorsutigineqarpoq innuttaasut pisarnermisut kommunip isumaginninnikkut sullisisarnera pisariaqartikkunikku saaffiginnissuteqartarnerat ingerlatiinnarneqartarumaartoq. Innuttaasummi sapinngisamik misigisassavaat isumaginninnikkut suliassat piffimmi suliarineqartassasut, aamma tamatumani suliassat Namminersornerusut sulisuinit isumagineqassagaluarpataluunniit.

#### **7. Kingunerisinnaasai pingaaruteqarsinnaasut allat**

Siunnersuut piviusunngortinneqassaguni kommunip isumaginninnerup iluani ingerlatsineranut akuliuttoqarlunilu killiliisoqarsinnaassaaq. Kommunip isumaginninnikkut ingerlatsineranik arsaarinnikkallarnikkut qulaajaavigineqarsinnaassaaq ilumut kommunip isumaginninnerup iluani aningaasatigut ingerlatsinikkullu periuserisai allanngortinnissaat pisariaqarnersut.

#### **8. Oqartussanut kattuffinnut il.il. tusarniaasarnerit**

Inatsisisatut siunnersuut KANUKOKA-mut aammalu Kommuneqarfik Sermersuumut ulloq xx. januar 2016 nassiuinneqarluni tusarniaassutigineqarsimavoq. Tusarniaanermi akissutit ulloq xx. februar 2016-imi utertinneqareersimassapput.

Ukuningga tusarniaassutit pissarsiarineqarsimapput [ilanngutissapput]. Tulliuttuni tusarniaanermi akissuteqaatigineqartut isummersorfigineqassapput, aammalu tusarniaanermi allannguutissatut siunnersuutigineqartut nalilersorneqarlarlutik tapitartuuneqassallutik. Maluginiaqquneqassaaq, tusarniaanermi akissuteqaatini *equngasumik* allassimasut, pingaarnersiuiffagalugit tapitartuunneqarsimassammata.

Tusarniaanermi akissutigineqartut taamatut isikkoqartillugit Inatsisartut ataatsimiitaliaanut nassiuinneqassapput.

### **Inatsisisatut siunnersuummut immikkoortunut ataasiakkaanut nassuaatit**

#### *§ 1-imut*

Nr. 1-imut

Isumaginnittoqarfiup Aqunneqarneranut Aaqqissuussaaneranullu Inatsisartut peqqussutaani pingaartillugit naqissusiivigineqarsimapput kikkut isumaginninnermut tunngatillugu oqartussaaffimmik tigummiartuunersut. Maleruagassat taakkua matumani siunnersuuteqarnikkut allanngortinniarneqanngillat, taamaattumillu atuutiinnassallutik.

Inatsisip §§ 7a-7g –atigut nutaanik aalajangersakkanik nutaanik ikkussisoqarneratigut, taamatullu oqartussaaffimmik tamakkiisumik ilaannakortumilluunniit atorunnaarsitsigallarnissamut periarfissiinikkut kommunalbestyrelsip pisinnaatitaaffigisimasai pillugit nutaanik aalajangersaasoqassaaq. Tamatumuuna oqartussaaffik tamakkiisoq ilaannakortorluunniit Naalakkersuisunit tigummineqarallartunngortinneqarsinnaavoq. Taamatut oqartussaaffimmik tigusigallarnerup qanoq sivisussuseqarnissaa pisut ataasiakkaat toqqammavigalugit aalajangiiffigineqartassaaq.

Ingerlatsinikkut aqtsinermi maleruaqqusat nalinginnaasut periuserineqartartullu atuutsiinnarneqassapput. Atorunnaarsitsisoqarsimatillugu Naalakkersuisut oqartussaaffit qanoq tulleriaarlugit aaqqissuussiffigineqarsimanersut maluginiartussaassavaat. Atorunnaarsitsineq tassa kisiat atuutinnejqassaaq kommunip isumaginninnikkut maleruaqqusanik innuttaasullu pisinnaatitaaffiinik pisussaaffeqarnerata qułakkeeriniffiginiarneqarnerani.

Nr. 2-mut

#### *§ 7a pillugu*

Imm. 1-imut

Aalajangersakkatigut Naalakkersuisut pisinnaatinneqarput kommunip isumaginninnikkut oqartussaaffianik atorunnaarsitsissallutik pisinnaatitaaffeqlernissaat. Aalajangiineq pisinnaavoq kommunip isumaginninnikkut maleruaqqusat naapertorlugit pisussaaffigisani taamatullu innuttaasut pisinnaatitaaffii malunnaatilimmik sumiginnarsimassagaluarpagit.

Naalakkersuisut taakkuupput ilumut oqartussaaffimmik atorunnaarsitsissalluni naammattumik pissutissaqartoqarnersoq. Aamma Naalakkersuisut tassaapput aalajangiisussat ilumut oqartussaaffimmik arsaarinnikkallartoqassanersoq. Aammattaaq atorunnaarsitsinissamut aalajangiineq Namminersornerusuni ingerlatsinikkut periarfissaasut toqqammavigalugit nalilersuiffigereernerisigut pisinnaavoq.

Annertuumik sumiginnaasimanertut taaneqarsinnaapput assersuutigalugu isumaginninnikkut suliassat amerlasuut naapertuuttumik suliarineqaratik uninngatiinnarneqartarsimassappata.

Annertuumik sumiginnaasoqarsimanera assersuutigalugu tassaasinnaapput meeqqat sumiginnarneqarnermikkut peqqissutsimikkut ineriantornerminnullu tunngatillugu, meeqqanik inuuusuttuaqqanillu ikiorsiisarnermut inatsisartut peqqussutaani § 5-imí allaqqasut naapertorlugit, ulorianartorsiuteqartut communalbestyrelsimit nalunaarutigineqarsimasut suliarineqaqqinqitsoortarsimasinnaanerat.

Annertuumik sumiginnaasoqarsimanera aamma tassaasinnaavoq Isumaginnermut Naammagittaalliuteqartarfimmut kommunimit aalajangersimasumit pissarsiaqartarsimanera, tamatumali kingunerisaanik Isumaginninnermut Naammagittaalliuteqartarfiup innuttaasut illerlugit aalajangiisariaqartarsimanera.

Annertuumik sumiginnaasoqarsimaneranik aamma naliliisoqarsinnaavoq, assersuutigalugu imaassimappat kommunip isumaginninnikkut ingerlatsiviani isumaginninnikkullu siunnersortit kommunip isumaginninnikkut aningaasaliissutigisimasaasa annikippallaarneri pissutigalugu aningaasaliissutit naammanngitsutut naliliiffigineqartariaqartut, taamaattumillu suliassat assigiinngitsut isumagineqarsinnaanissaat piviusorsiorani. Tamanna ilaatigut imatut nassataqarsinnaalluni isumaginninnikkut siunnersortit ataasiakkaat ima suliakkersorneqartartigisut, allaat isumaginninnikkut suliassat nalilersuiffigineqartuartariaqartartut sorliit pingarnerunersut suullu allat uninngatiinnarneqartariaqarnersut.

Qulaani taaneqartut assersuutaannaapput, aammalu annertuumik sumiginnaasoqarsimaneranik tamakkiisuusutut taaneqarsinnaannatik.

Imm. 2-mut

Siunnersummi ilangunneqarsimangilaq kommunip isumaginninnikkut oqartussaaffianik illuartitsigallarnerup qanoq sivisussusilerneqarsinnaanera eqqarsaatigalugu. Tamanna pisut ataasiakkaat toqqammavigalugit aalajangiiffigineqartassaaq. Atorunnaarsitsigallarneq

piffissami sivisunerusumi atuuttussanngortinneqarsinnaavoq. Tamatumani toqqammavagineqartut nalilersorneqarneri naapertorlugit aalajangiivigineqartassaaq.

Ilaqtariinnermut, Naligiissitaanermut Isumaginninnermullu Naalakkersuisoqarfik nammineq ingerlatsinerminut akisussasaasuuussaaq, ilanngullugu sulianik atorunnaarsitsinissaq pillugu aalajangiinermi pineqartunut ilaasunik ingerlatsivimmi aqutsineq. Kommunip isumaginninnermut maleruagassanik, atorunnaarsitsinissaq pillugu aalajangiinermi pineqartunut ilaangitsunut, ingerlatsivimmi aqutsinissamut akisussasaasunera ingerlaannassaaq.

Piffissami sivisunerusumi illuarttsisoqarsimassappat kommuni suleqatigalugu pilersaarusruneqarsinnaavoq, qanoq periuseqarluni atorunnaarsitsigallarneq aammalu qanoq iliirluni kommunimut oqartussaaffimmik tunniusseqqinnissaq piviusunngortinniarneqarsinnaassanersoq. Naalakkersuisut pisinnaatitaapput allannguutissanik aammalu siumut pilersaarusoqarnissaanik piumasaqaateqarnissamut. Kommunip isumaginninnermut maleruagassanik ingerlatsivimmi aqutsinermik isumaginninnissamut kommunimut tunngavissaliisumik, isumaginninnermut suliassaqarfimi aningaasaliissuteqarnissap, sulisussaqarnermi aalajangersaasimanissap il.il. qulakteernissa sulissutigisariaqarpaa. suliassat atorunnaarsitsinissaq pillugu aalajangiinermi pineqartunut ilaasut kommunimut utertinnissaannut sapinngisamik sukkanerpaamik tunngavissaqalernissaa, kommunip sulissutigisariaqarpaa. Tamatumuuna naqissusiivigineqarpoq, communalbestyrelsi tassaammat tunngaviatigut akisussaaffimmik tigummiaqartuusoq aammalu isumagissallugu pisussaaffiminik innuttaasullu isumaginninnikkut maleruagassat eqqarsaatigalugit pisussaaffeqartuusoq.

Kommunalbestyrelsip taamaalluni pisunik atorunnaarsitsinissaq pillugu aalajangiinissamut pissutissaqalersitsisimasunik aaqqiissutissanik pingaarnersiuinermigut, atorunnaarsitsinissaq pillugu aalajangiineq atorunnaarsissinnaavaa.

Imm. 3-mut

Kommunip isumaginninnermut oqartussaaffia tamakkiisoq imaluunniit taassuma ilaa Naalakkersuisunit tigugallarneqarsinnaavoq. Assersuutigalugu Inatsisartut meeqqat inuusuttuaqqallu ikiorserneqartarnerat pillugit peqqussummi pineqartut imaluunniit Annertuumik innarluutilinnik ikorsiisarnermut Inatsisartut peqqussutaani pineqartut arsaarinnissutigigallarneqarsinnaassapput.

§ 7b *pillugu:*

Imm. 1-imut

Naalakkersuisut ingerlatsinermik oqartussaaffik atorunnaarsitsineq aalajangiiffigisinnaavaat sinaakkutissat malitassallu aalajangersimasut peqqussutiginerisigut aammalu

piumasaqaatigisinnallugu isumaginninnikkut maleruagassat toqqammavigalugit  
isumagisarnerisigut.

Suliassat qanoq isumagineqarnissaanik aalajangersaanikkut assersuutigalugu  
isumaginnittoqarfimmi sulisut amerlassusissaanut qanorlu ilinniagaqarsimanissaat  
taakkuluunniit amerlineqarnissaat piumasaqaateqartoqarsinnaavoq. Isumaginnittoqarfimmi  
imaluunniit suliassat, assersuutigalugu meeqqanut inuusuttunullu tunngatillugu, piaartumik  
suliarineqarnissaannut aalajangiiffigineqarnissaannullu tunngavissiisuni isumalluutaasuni  
allani kommunip sulisuisa allatut agguataarneqaqqinnissaat pisariaqartinneqarsinnaavoq.

Aammattaaq Naalakkersuisut sullisisarnerni malitassanik najoqqutaliorsinnaapput, suliassat  
akineqarnissaanut malitseqartinneqarnissaanullu piffissaliisarsinnaapput. Taamatuttaaq suliat  
nutaat, ingerlanneqartut naammassineqarsimasullu pillugit isumagineqarsimanerilu pillugit  
Naalakkersuisunut nalunaarusiortussangortitsisoqarsinnaalluni.

Isumaginninnermut maleruagassat nassuiardeqartarnerannut atorneqartarnerannullu  
malittarisassat, isumaginninnermut maleruagassanut pineqartunut killissaliussat iluanni  
aalajangersarneqassapput. Siunnersuut naapertorlugu piginnaatitsissuteqarnerit  
isumaginninnermut maleruagassani pineqartuni Naalakkersuisunut  
piginnaatitaaffiliunneqartut saniatigut malittarisassanik aalajangersaasoqarsinnaanngilaq.

Imm. 2-mut

Naalakkersuisut akisussaaffimmik atorunnaarsitsinissaq aalajangiiffigisinnavaat  
isumaginninnikkut maleruagassat naapertorlugit nammineerlutik suliassanik  
aallartitsinermikkut aammalu tamakku ingerlanneqariilersullu aalajangiiffigisarlugit.

Naalakkersuisut annertuumik iliuuseqarsinnaapput kommunip isumaginninnikkut  
allaffeqarfianik akisussaaffianik tigusinermikkut, soorlu Inatsisartut meeqqanik  
inuusuttuaqqanillu ikorsiisarneq pillugu peqqusummi pineqartut imaluunniit Inatsisartut  
annertuumik innarluuteqartut pillugit peqqusummi pineqartut ingerlatsivigineqarnerat  
akisussaaffigilerallarneratigut.

Tamatumani aalajangiisuussaaq qanorpiaq nalilersuisoqarsimanersoq, suut pisut  
toqqammavigalugit alloriarfingineqassanersut kommunip pisussaaffigisimasai innuttaasullu  
isumaginninnikkut maleruagassat naapertorlugit piginnaatitaaffii eqqarsaatigalugit  
naammassinnitoqarsinnaaqquullugu.

Ingerlanerlusstoqarsimanera suliad annertuumik soorlu sulissussisarfimmi aalajangersimasumi  
qaleriaaginnartinneqalernerinik pissuteqarsimassappat, soorlu napparsimasoqarnera  
imaluunniit atorfuit inuttalerneqarsimannginnerinik pissuteqarsimassappat, Naalakkersuisut  
oqartussaaffimmik tigusigallarsinnaapput tamatumani suliassat isumagineqarnissaat  
aalajangiiffigineqartarnissaallu siunertaralugu.

Imaassimappat atorfait inuttalerneqarsimannginnerat, naammattumik piginnaasaqartunik sulisoqannginneq, inuttassarsioraluarluni ilinniarsimasunik qinnuteqartoqarsimannginnera, aningaasaliissutit ikippallaarsimanerat aammalu sumiginnaaneq nalinginnaasuusimappat tamatumani atorunnaarsitsineq iluamik ingerlaleqqittoqarnissaa siunertaralugu pisinnaavoq.

Kommunip aqutsisoqarfia tamakkiisoq taassumaluunniit ilaa atorunnaarsinnejnarallarsinnaavoq. Atorunnaarsitsinermi pineqarsinnaavoq kommuni tamarmiusoq imaluunniit illoqarfinni nunaqarfinnilu aalajangersimasuni isumaginninnikkut ingerlatsiveqarfait.

Kommunip Naalakkersuisulluunniit nakkutilliinermikkut ingerlatsinikkut sumiginnaanerit illoqarfinni nunaqarfinniluunniit pissusiviusunit aallaaveqartissinnaavai, taamatullu pisoqartillugu oqartussaaffik tigugallarneqarnera illoqarfimmut nunaqarfimmulluunniit tunngatinneqarsinnaalluni.

Imm. 3-imut

Erseqqissarneqarpoq isumaginninnermut maleruagassanik kommunip ingerlatsivimmi aqutsineranik atorunnaarsitsinissaq pillugu aalajangiineq tunngavigalugu, isumaginninnermut maleruagassat naapertorlugit Ilaqutariinnermut, Naligiissitaanermut Isumaginninnermullu Naalakkersuisoqarfimmit aalajangiinerit, Isumaginninnermi Naammagittaalliuuteqartarfimmut naammagittaalliuutigineqarsinnaasut. Naammagittaalliorneq maleruagassat kommuni aalajangiisuuppat malinneqartussat, malillugit pissaaq.

#### *§ 7c pillugu*

Isumaginninnikkut maleruaqqusat ilisarnaatigivaat innuttaasut maleruaqqusat toqqammavigalugit piumasaqaatit assigiinngitsut naammassineqarsimagaangata pisinnaatitaaffeqalertarmata. Aningaasaliissutit tamakku kommunimit isumagineqartartussaapput, tamatumanilu apeqqutaasarani ilumut kommunip missingersuutaani naammattumik immikkoortitsisoqarsimanersoq.

Aalajangersakkami aalajangersarneqarpoq aningaasartuutit isumaginninnermut maleruagassat ingerlatsivimmi aqunneqarnerannut kommunip akisussaaffigisaannut tunngasut kommunip allannguuteqanngitsumik akilertassagai. Isumaginninnermut maleruagassani ataatsimoortuni ataasiakkaanut tunngatillugu utertsilluni akiliisarnermut aaqqissuussineq taamaaqataanik atuutissaaq.

Aalajangersakkap malitsigisaanik communalbestyrelsip pisariaqarpat pisariaqartunik aningaasaliissuteqarluni nalunaaruteqarnissaa utaqgisariaqarnagu, Ilaqutariinnermut, Naligiissitaanermut Isumaginninnermullu Naalakkersuisoqarfuiup suliat, assersuutigalugu

meeqqanut inuusuttunullu ajornartorsiortunut ikorsiinissamut tunngassuteqartut, suliarisinnaavai aalajangiiffigisinnaallugillu.

Naalakkersuisut kommuni sinnerlugu aningaasartuuteqartussaassangillat imaluunniit aningaasartuutinik akiliussigallartussaassanatik.

Taamatut atorunnaarsitsisoqarsimatillugu Naalakkersuisut kommuni piumaffigisinnaavaa atorfiliinnik aalajangersimasunik ilinniarsimasunik atorfinitstsiniaqqullugu imaluunniit pisariaqartinneqartut naapertorlugit kommunip ingerlatsiviani aningaasaliissutit isumaginninnikkut maleruaqqusat naapertorlugit nalimmassarneqaqqullugit. Aningaasartuutit taamaattut pisariaqartunik aningaasaliissuteqarnissaq utaqquinagu, kommunimi ingerlatsivimmi aningaasartuutigineqarsinnaapput.

Aalajangersagaq Inatsisartut kommunit aqunneqarnerat pillugit Inatsisaanut nr. 22, 18. november 2010-meersumi § 44, imm. 2, 2-mut tunngassuteqarpoq. § 44, imm. 2, 2-mi inatsisitigut, peqqussutitigut allatigulluunniit pisussaaffiliissutigineqarsimasoq, isumagineqartussaavoq kommunalbestyrelsip siumut aningaasaliissuteqarsimanera apeqquaatinngu.

#### *§ 7d pillugu*

Imm. 1-imut.

Atorunnaarsitsinissamik aalajangiinerup allanngortissanngilaa kikkut isumaginninnikkut maleruagassat naapertorlugit aningaasartuuteqartuunissaat eqqarsaatigalugu.

Assersuutigalugu meeqqanut inuusuttuaqqanullu inatsisartut peqqussutaat naapertorlugu isumagisassat kommunip aningaasalersortussaavai. Tamanna aamma atuutitinneqassaaq Naalakkersuisut inatsisartut peqqussutaa naapertorlugu oqartussaaffimmik tamakkiisumik ilaannakortumilluunniit tigusigallarsimanerat apeqquaatinngu.

Tamanna apeqquaatinngu atorunnaarsitsinerup nalaani Naalakkersuisut isumaginninnermut maleruaqqusat naapertorlugit aningaasartuutigisimasaannik kommuni utertitsisussaassaaq. Tassami imaammat kommunip sumiginaasimanera toqqammavigalugu oqartussaaffimmik atorunnaarsitsisoqarsimasoq, taamaattumillu Naalakkersuisut pineqartunut immikkut aningaasartuuteqartariaqarallarsimassasut.

Naalakkersuisut aningaasartuutaat assersuutigalugu sulisorineqartut aningaasarsianut, angalanerinut, allaffissornerinut il.il. tunngassuteqarsinnaapput. Tamatuma saniatigut Namminersornerusut iluanni immikkut, soorlu sulisorisanut, akissarsianut, naatsorsuuserinernut, allaffinnut aningaasartuutigiumaakkat tagginneqarnerat naapertorlugit matussuseqquneqarsinnaapput.

Imm. 2-mut

Naak atorunnaarsitsineq pisimagaluarpal kommunip allaffissornikkut ingerlatsiveqarfinti atuutsiinnartissavaa. Naalakkersuisut aalajangiisinnaatitaaffimmik tigusigallarneranni,

isumaginninnikkut maleruaqqusat naammassiniarneqarnerat piffinni pineqartuni isumagineqartussaassapput, tamatumanilu kommunip sulisui suleqatigineqartussaassallutik.

Tamakku toqqammavigalugit communalbestyrelsi pisussaaffeqarpoq suliassat atorunnaarsitsinermi pineqartut isumagineqarsinnaaqquullugit piffinni allaffissornikkut ingerlatsiviusinnaasunik – aamma sulisooreersut eqqarsaatigalugit – Naalakkersuisunut inissaqartitsissalluni. Tamatumani pingaaruteqarpoq manna tikillugu sulisorineqarsimasut allanik suliaqartinneqalinnginnissaat, taamaasiornikkummi Naalakkersuisut sinnerlugit atorunnaarsitsinermi suliassanik isumaginnittussat sulinissaminut periarfissaat ajornakusoornerulerinnejarsinnaammat.

Kommunimi sulisut pineqartut atorfecarnermikkut allannguuteqanngitsumik toqqammaveqarlutik suliffigisaminni ingerlaqqiinnassapput. Sulisut pineqartut Naalakkersuisut aalajangersagaat toqqammavigalugit atorunnaarsitsinerup nalaani tunngassuteqarluarpataluunniit ingerlatsiinnartussaassallutik.

Naliliinermi toqqammavigineqarpoq sulisut pineqartut atorfecarnermut sulinerminnullu atugarilikkatik toqqammavigalugit kommunimut Naalakkersuisunulluunniit immikkut piumasaqaateqarsinnaanngitsut. Ilangullugu naliliiffigineqarpoq atorfilitut sulusuusut (tjenestemandit) atorunnaarsitsigallarnerup nalaani Naalakkersuisut oqartussaatitaanit pisussaaffilerneqalersinnaanertik pissutigiinnarlugu pisinnaatitaaffiginngimmassuk utaqqiisaasumik, immikkut tapisiaqarnissamut pensionisanulluunniit tunngatillugu immikkut piumasaqaateqarsinnaanngitsut.

### *§ 7e pillugu*

Kommuni pisussaaffeqarpoq Naalakkersuisunut paasissutissat sorianullu tunngatillugu uppernarsaatit tunniuttassallugit. Naalakkersuisut piumasaqaatigisinnaavaat isumaginninnikkut ingerlatsinermi paasissutissat uppernarsaatillu suugaluartut kommunip ingerlatsiveqarfianit pissarsiarissallugit. Aalajangersagaq manna atorunnaarsitsinerup pinnginnerani ingerlaneranilu pisinnaavoq.

Paasissutissat uppernarsaatillu ilumut sumiginnaasoqarsimaneranik tamatumali pisariaqartinneqarsimaneranik uppernarsaatinut ilapittuutaapput. Tamatuma saniatigut paasissutissat uppernarsaatillu Naalakkersuisut isumaginnittuuneranni suliassat isumagineqarnissaanut atorneqartussaassallutik.

### Imm. 2-mut

Tunngaviatigut uppernarsaatit paasissutissallu kommunip Naalakkersuisunut ingerlateqqittussaassavai. Aallaavigineqarpoq tamatumani pisussaaffiuq eqqortumik naammassiniarneqarnissaa taamaasilluni uppernarsaatit atorneqarnissaminut iluaqutigineqarsinnaaqquullugit. Tamanna qaqugukkulluunniit apeqquserneqarsinnaaleqqunagu

Naalakkersuisut paasissutissat pineqartut tutsuiginartumik pineqartussaanerat isumagisassavaat.

*§ 7f pillugu*

Imm. 1-3-mut

Aalajangersakkatigut Naalakkersuisut pisinnaatinneqarput kommunip allaffiutaanut, toqqorsiviinut aammalu sullisisarnerni qarasaasiatigut atortorissaarutaannut atorunnaarsitsinerup pinnginnerani ingerlaneranilu tunngassuteqartunut iserlutik suliaqarsinnaasarnissaanut.

Pissusissamisoorsinnaavoq Naalakkersuisut killilersorneqanngitsumik allaffinnik, toqqorsivinnik qarasaasiatigullu atortorissaarutinut isersinnaanissamut periarfissinneqarnissaat naqissusiivigissallugu.

Taamatut isersinnaatitaanermut tunngavissaqarneq sumiginnaasimanerit annertuut nalilersorneqarnerannut tunngatillugu pisariaqartinneqarsinnaavoq. Ilumut atorunnaarsitsisimanerup pissusissamisoortuunera tamatumuuna aamma uppernarsiniarneqarsinnaavoq.

Isersinnaatitaanissaq pissusissamisoortuusinnaavoq Naalakkersuisut atorunnaarsitsinerup nassatarisaannik suliassanik isumaginninniarneranni.

Nalinginnaasumik kinaassusersiunnginnissaq annertoqqatigiimmillu pinninnissaq pillugit tunngaviusut malillugit, suliassanik atorunnaarsitsinissaq pillugu aalajangiinermi pineqartunut ilaasunik isumaginninnissamut pisariaqartutut Naalakkersuisunit naliliiffigineqartut taamaallaat pissarsiariniarneqartussaapput. Siunnersummi § 7f atituumik oqaasertalerneqarpoq, tassami kingusinnerusukkut atorunnaarsitsinissaq pillugu aalajangiinermut atatillugu pisariaqartitsinerup killissalersornissaa sioqqutsisumik ajornarpoq.

*§ 7g pillugu*

Imm. 1-imut

Naalakkersuisut taakkuupput naliliisussat ilumut isumaginninnikkut maleruaqqusat aammalu innuttaasut pisinnaatitaaffii kommunimit sumiginnarneqarsimanersut.

Akisussaaffimmik atorunnaarsitsigallarnissaq Naalakkersuisunit aalajangiunneqarsimappat, tamatumani siunertaavoq kommunip innuttaasut tungaanut isumaginnikkut maleruagassat naapertorlugit isumaginnittooqarnissaa qulakteerniassallugu.